

Zulu - ngoMoya oNgcwele miBhalo - Holy Spirit Scriptures

Eksodusi 35:31 umgcwalisile ngoMoya kaNkulunkulu, ngokuhlakanipha nangokuqonda nangokwazi nangamandla emisebenzini yonke

Numeri 11:25 UJehova wehla ngefu, wakhulumu kuye, wathabatha okomoya ophezu kwakhe, wakubeka kumalunga angamashumi ayisikhombisa; kwathi umoya esahlezi kuwo, aprofetha, kepha awaze akuphinda.

1 Samuweli 10:6 uMoya kaJehova uyakwehlela phezu kwakho, uyakuprofetha kanye nabo, uphenduke omunye umuntu.

2 Samuweli 23:2 "UMoya kaJehova wakhulumu ngami; izwi lakhe lalisolimini Iwami.

Jobe 33:4 Umoya kaNkulunkulu ungenzile, nokuphefumula kukaSomandla kunginika ukuphila.

Isaya 11:2 UMoya kaJehova uyakuhlala phezu kwakhe, umoya wokuhlakanipha nowokuqonda, umoya wamasu nowamandla, umoya wokwazi nowokumesaba uJehova.

Mika 3:8 Kepha mina ngigcwele amandla ngoMoya kaJehova ngokulunga nangobuqhawe ukuba ngimtshele uJakobe iziphambeko zakhe, u-Israyeli izono zakhe.

Zakariya 4:6 Yayisithatha isho kimi, ithi: "Lokhu kuyizwi likaJehova kaZerubabele lokuthi: 'Kungabi ngempi, kungabi ngamandla, kepha kube ngomoya wami kuhela,' usho uJehova Sebawoti.

Mathewu 12:28 Kepha uma mina ngikhapha amademoni ngoMoya kaNkulunkulu, umbuso kaNkulunkulu usufikile phela kini.

Mathewu 28:19 ngalokho hambani nenze izizwe zonke abafundi, nibabhaphathize egameni likaYise neleNdodana nelikaMoya oNgcwele,

Marku 1:10 Wanele ukukhuphuka emanzini, wabona izulu livuleka, noMoya ehlela phezu kwakhe njengejuba.

Marku 13:11 Uma beniqhuba, benikhaphela, ningakhathaleli ngaphambili eniyakukukhuluma, kodwa lokho eniyakukunikwa ngaleso sikhathi, kukhulumeni; ngokuba kakunina enikhulumayo kodwa nguMoya oNgcwele.

Luka 2:26 Kwakubonakalisiwe kuye ngoMoya oNgcwele ukuthi akayikubona ukufa engakamboni uKristu weNkosi.

Luka 4:1 UJesu egcwele uMoya oNgcwele wabuya eJordani, waholekela ngoMoya ehlane,

Luka 4:18-21 "UMoya weNkosi uphezu kwami, ngokuba ingicobile ukuba ngishumayele ivangeli kwabampofu, ingithumele ukumemezelwa ukukhululwa kwabathunjiweyo, nokubona kwabayizimpumputhe, nokuhlenga abacindezelweyo, 19 nokumemezelwa umnyaka omuhle weNkosi." 20 Wayigoqonga incwadi, wayinika isikhonzi, wahlala; amehlo

abo bonke ababesesinagogeni amgqolozela. 21 Waqala ukukhuluma kubo, ethi: "Namhlanje ugcwalisekile lo mbhalo ezindlebeni zenu."

Luka 12:11,12 "Kepha nxa beniqhubela emasinagogeni, nakubabusi, nakuzo iziphathimandla, ningakhathazeki ngokuthi niyakuziphendulela kanjani nangokuthini, nokuba niyakukhulumanu, 12 ngokuba uMoya oNgcwele uyakunifundisa ngasona leso sikhathi okufanele nikukhulume."

Johane 7:38,39 Okholwa yimi, njengokusho kombhalo, esiswini sakhe kuyakugobhoza imifula yamanzi aphilayo." 39 Washo lokho ngoMoya abazakumamukela abakholwa nguye, ngokuba uMoya wayengakafiki, lokhu uJesu wayengakakhazimuliswa.

Johane 14:16,17 Ngiyakucela kuBaba aniphe omunye uMduduzi wokuba ahiale kini phakade, 17 uMoya weqiniso, izwe elingemamukele, ngokuba lingamboni, lingamazi; nina niyamazi yena, ngokuba uhlala nani, uyakuba kini.

Johane 14:26 Kepha uMduduzi, uMoya oNgcwele, uBaba ayakumthumela egameni lami uyakunifundisa konke, anikhumbuze konke enginitshele khona.

Johane 16:7,8 Kodwa mina nginitshela iqiniso lokuthi kunilungele ukuba ngimuke; ngokuba uma ngingamuki, uMduduzi kayikuza kini; kepha uma ngimuka, ngiyakumthumela kini. 8 Lapho esefikile yena, uyakuqondisa izwe ngesono, nangokulunga, nangokwahlulela:

Johane 16:13-15 Kepha nxa esefikile yena, uMoya weqiniso, uzakuniholela kulo lonke iqiniso; ngokuba akayikukhuluma ngokwakhe, kodwa lokho akuzwayo uyakukukhuluma, anibikele okuzayo. 14 Uyakungikhazimulisa, ngokuba uyakuthatha kokwami anibikele khona. 15 Konke uBaba anakho kungokwami; ngalokho-ke ngithe uyakuthatha kokwami, anibikele.

Johane 20:21,22 Khona uJesu wabuye wathi kubo: "Ukuthula makube kinina. Njengokuba uBaba engithume mina, nami ngiyanithuma nina." 22 Kwathi ukuba ashonjalo, wabaphephetha, wathi kubo: "Yamukelani uMoya oNgcwele.

IzEnzo 1:2 kwaze kwaba lusuku akhushulwa ngalo, esebayalile ngoMoya oNgcwele abaphostoli ayebakhethile;

IzEnzo 1:5 Ngokuba uJohane wayebhapathiza ngamanzi, kepha nina nizakubhaphatizwa ngoMoya oNgcwele kungakadluli izinsuku eziningi."

IzEnzo 1:8 kodwa nizakwamukelisa amandla, uMoya oNgcwele esefikile phezu kwenu, nibe ngofakazi bami eJerusalem, naseJudiya lonke, naseSamariya kuze kube sekugcineni komhlaba."

IzEnzo 2:1-4 Kwathi sekufikile usuku IwePhentekoste, bonke babebuthene ndawonye.

2 Ngokungazelelwe kwavela ezulwini inhlokomo kwangathi eyokuvunguza komoya onamandla; yona yagcwalisa indlu yonke ababehlezi kuyo. 3 Kwase kubonakala kubo izilimi ezahlukeneyo kungathi ezomlilo; zahlala

phezu kwalowo nalowo kubo. 4 Base begcwala bonke uMoya oNgcwele, baqala ukukhuluma ngezinye izilimi, njengalokho uMoya wabapha ukuphumisela.

IzEnzo 2:17-19 “ ‘Kuyakuthi ezinsukwini zokuphela, kusho uNkulunkulu, ngiyakuthulula uMoya wami phezu kwayo yonke inyama; amadodana enu namadodakazi enu ayakuprofetha, izinsizwa zenu zibone imibono, abadala benu baphuphe amaphupho; 18 yebo, naphezu kwezincekzami nezincekukazi zami ngiyakuthulula uMoya wami ngaleyo mihla, ziyakuprofetha. 19 Ngiyakuveza izimangaliso ezulwini phezulu nezibonakaliso emhlabeni phansi, igazi, nomlilo, nokuthunqa komusi. (Joweli 2:28,29)

IzEnzo 2:33 ngakho ephakanyiselwe ngakwesokunene sikaNkulunkulu, esamukele kuYise isithembiso sikaMoya oNgcwele, wakuthulula lokhu enikubonayo nenikuzwayo.

IzEnzo 2:38 UPetru wayesethi: “Phendukani, yilovo nalowo abhapathizwe egameni likaJesu Kristu kukho ukuthethelela kwezono zenu; khona niyakwamukeliswa isiphiwo sikaMoya oNgcwele.

IzEnzo 4:31 Kwathi sebekhulekile, kwazanyazanyiswa indawo lapho bebebuthene khona, bagcwaliswa bonke nguMoya oNgcwele, bakhuluma izwi likaNkulunkulu ngesibindi.

IzEnzo 8:15-17 sebehlele khona babakhulekela ukuba bamukele uMoya oNgcwele, 16 ngokuba wayengakehleli nakoyedwa kubo; kodwa babesabhapathiziwe egameni leNkosi uJesu kuphela. 17 Khona babeka izandla phezu kwabo; base bamukela-ke uMoya oNgcwele.

IzEnzo 8:39 Kwathi sebekhuphukile emanzini, uMoya weNkosi wamhlitha uFiliphu, umthenwa akabe esambona, kodwa wahamba ngendlela yakhe ethokoza. (1 AmaKhosi 18:12)

IzEnzo 9:31 Njalo-ke ibandla laba nokuthula kulo lonke laseJudiya, naseGalile, naseSamariya, lakheka, lihamba ekwesabeni iNkosi, landa ngenduduzo kaMoya oNgcwele.

IzEnzo 10:44,45 Kwathi uPetru esakhuluma lawo mazwi, uMoya oNgcwele wehlela phezu kwabo bonke ababelizwa izwi. 45 Abokusoka abakholwayo ababefikile noPetru bamangala kakhulu, ngokuba isipho sikaMoya oNgcwele sitheliwe naphezu kwabezizwe.

IzEnzo 11:15 “Ngathi ngisaqala ukukhuluma, uMoya oNgcwele wehlela phezu kwabo njengakithi ekuqaleni.

IzEnzo 13:52 Abafundi bagcwala intokozo noMoya oNgcwele.

IzEnzo 19:6 Kwathi uPawulu esebekile izandla phezu kwabo, uMoya oNgcwele wehlela phezu kwabo; base behuluma ngezilimi, baprofetha.

IzEnzo 20:23 kuphela ukuba uMoya oNgcwele uyafakaza kimi imizi ngemizi ethi izibopho nezinhlupheko zingihlalele.

AmaRoma 5:5 ithemba alijabhisi, ngokuba uthando lukaNkulunkulu lutheliwe

ezinhliziyweni zethu ngoMoya oNgcwele esimuphiweyo.

AmaRoma 8:9 Kepha nina anisenyameni, kodwa nikuye uMoya, uma uMoya kaNkulunkulu ehlala kini. Kepha uma umuntu engenaye uMoya kaKristu, Iwo kasiye owakhe.

AmaRoma 8:13-16 Ngokuba uma nihamba ngokwenyama, nizakufa; kepha uma nibulala imisebenzi yomzimba ngoMoya, nizakuphila. 14 Ngokuba bonke abaholwa nguMoya kaNkulunkulu, labo bangabantwana bakaNkulunkulu. 15 Ngokuba anamukeliswanga umoya wobuggila ukuba nibuye nesabe, kepha namukeliswa umoya wobuntwana esimemeza ngaye sithi: "Aba, Baba!" 16 Yena Iwo Moya ufakaza kanye nomoya wethu ukuthi singabantwana bakaNkulunkulu.

AmaRoma 8:26 Ngokunjalo noMoya uyasisiza ebuthakathakeni bethu; ngokuba asikwazi esingakucela ngokufaneleyo, kodwa uMoya uqobo usikhulumela ngokububula okungenakuphinyiselwa;

AmaRoma 15:13 UNkulunkulu wethemba makanigcwalise ngenjabulo yonke nangokuthula konke ekukholweni, ukuze nivame ethembeni ngamandla kaMoya oNgcwele.

AmaRoma 15:19 ngamandla ezibonakaliso nezimangaliso, ngamandla kaMoya oNgcwele, njengokuba ngasuka eJerusalema, ngazungeza ngaze ngafika e-Iliriku, ngishumayela ivangeli likaKristu ngokupheleleyo.

1 Korinte 2:10-13 Ngokuba kithina uNkulunkulu ukwambulile ngoMoya; ngokuba uMoya uhlolisisa konke, yebo, nokujulileyo kukaNkulunkulu. 11 Ngokuba ngumuphi kubantu owazi okomuntu, uma kungesiye umoya womuntu okuye na? Ngokunjalo nokukaNkulunkulu akwaziwa muntu, kuphela nguMoya kaNkulunkulu. 12 Kepha thina asamukelanga umoya wezwe kodwa umoya ovela kuNkulunkulu, ukuze sikwazi esikuphiwe nguNkulunkulu ngomusa, 13 esikhuluma ngakho futhi, kungengamazwi afundiswa ngukuhlakanipha kwabantu kodwa afundiswa nguMoya, sichaza okomoya ngokomoya.

1 Korinte 3:16 Anazi yini ukuthi niyithempeli likaNkulunkulu nokuthi uMoya kaNkulunkulu uhlala kini na?

1 Korinte 6:11 Babenjalo abanye kini, kepha senahlanzwa, senangcweliswa, senalungisiswa ngegama leNkosi uJesu Kristu nangoMoya kaNkulunkulu wethu.

1 Korinte 12:3 Ngakho ngiyanzisa ukuthi: Akukho muntu okhuluma ngoMoya kaNkulunkulu ongathi: "Kathukwe uJesu;" futhi akukho muntu ongathi: "UJesu uyiNkosi," kuphela ngaye uMoya oNgcwele.

2 Korinte 3:17 INkosi inguye uMoya; kepha lapho uMoya weNkosi ekhona, kukhona inkululeko.

2 Korinte 13:14 Umusa weNkosi uJesu Kristu, nothando lukaNkulunkulu, nokuhlangana kukaMoya oNgcwele makube nani nonke. Amen.

Galathiya 4:6 Lokhu ningamadodana, uNkulunkulu uthumile uMoya

weNdodana yakhe ezinhliziyweni zenu omemeza ethi: “Aba, Baba!”

Efesu 1:13,14 kuye nani esenizwile izwi leqiniso, ivangeli lokusindiswa kwenu, enakholwa nguye futhi, nani nabekwa uphawu olunguMoya oNgcwele wesithembiso 14 oyisibambiso sefa lethu, kube ngukuhlengwa kokungokwakhe, ukuze kutuswe inkazimulo yakhe.

Efesu 2:18 Ngokuba ngaye sinokungena sobabili ngoMoya munye kuYise.

Efesu 4:30 Ningamdabukisi uMoya oNgcwele kaNkulunkulu enabekwa uphawu ngaye kuze kube lusuku lokuhlengwa.

1 Thesalonika 4:8 Ngakho-ke ovalayo akali umuntu, kepha wala uNkulunkulu, yena oninika uMoya wakhe oNgcwele.

1 Thesalonika 5:19 Ningamcimi uMoya;

2 Thesalonika 2:13 Kepha thina simelwe ukubonga uNkulunkulu njalo ngani bazalwane abathandwa yiNkosi, ngokuba kwasekuqaleni uNkulunkulu wanikhethela ukusindiswa ngokungcwelisa kukaMoya nangokukholwa yiqiniso (1 Petru 1:2)

KuThithu 3:5,6 wasisindisa kungengamisebenzi yokulunga esayenzayo thina kepha ngokwesihawu sakhe ngesigezo sokuphindukuzalwa nokwenziwa sibe basha ngoMoya oNgcwele, 6 amthelayo kakhulu phezu kwethu ngaye uJesu Kristu uMsindisi wethu,

KumaHeberu 2:4 uNkulunkulu futhi efakaza kanye nabo ngezibonakaliso, nangezimangaliso, nangemisebenzi yamandla eyizinhlobo nhlobo, nangokwabelwa kukaMoya oNgcwele ngokwentando yakhe.

KumaHeberu 10:15 Kepha noMoya oNgcwele uyafakaza kithina, ngokuba emva kokusho kwakhe ukuthi:

1 Petru 1:2 bekhethiwe ngokwaziphambili kukaNkulunkulu uYise ngokungcwelisa kukaMoya kukho ukulalela nokufafazwa ngegazi likaJesu Kristu: Makwandiswe kinina umusa nokuthula.

2 Petru 1:21 ngokuba akuzange kuvezwe isiprofetho ngentando yomuntu, kepha abantu beqhutshwa nguMoya oNgcwele bakhuluma okukaNkulunkulu.

1 Johane 4:2 Yazini uMoya kaNkulunkulu ngalokhu: bonke omoya abavuma ukuthi uJesu Kristu ufikile enyameni bangabakaNkulunkulu;

1 Johane 5:7,8 Ngokuba bathathu abafakazayo, 8 uMoya, namanzi, negazi; labo abathathu bavumelana entweni inye.

EkaJuda 1:20 Kepha nina bathandekayo, yakhelanani ekukholweni kwenu okungcwele kakhulu, nikhuleke ngoMoya oNgcwele,